

解是老母者是我前世發菩薩意時母阿難白佛言佛前世時母何因困苦貧窮如是佛言乃昔拘樓秦佛時我為菩薩道意欲作沙門母以恩愛故不聽我作沙門我憂愁不食一日以是故前後來生世間五百世世遭厄如是佛語阿難是老母壽終當生阿彌陀佛

國中供養諸佛却後六十八億劫當得作佛字扶波捷其國名化作所有被服飲食如忉利天上其國中人民皆壽一劫佛說經已老母及阿難等菩薩比丘僧諸天龍鬼神阿須倫皆大歡喜前以頭面着地為佛作禮而去

### 佛說老母經

#### 佛說老母女六英經

宋天竺三藏法師求那跋陀羅譯

佛為世尊功德巍巍愍念眾生為之傷悲時與弟子大士相追止處樂音廣有所開有一

母人貧老偃偻長跪問佛五陰六衰合會我身悉為是誰來何所從去何所歸母言世尊為我思惟佛言善哉冥識其已諸法因緣識之者希譬如鑽火兩木相揩火不從鑽亦不從燧火出其間赫赫甚暉還燒其木木盡消微亦如搗鼓其音哀摧聲不從革亦不從推

諸法如是因緣相推譬如天雨風雲電雷合會作雨不獨龍威諸法如是亦如是非譬如畫師調和彩色因素如畫無形不即皆須緣合非獨一力母人聞經歡欣傾側即得法忍身不疲極阿難披陳此何母人聞佛說法生死所從心意開解即得道真佛語阿難聽我

所言前過去佛名曰拘留秦佛今時此母是我之親我行學道戀閑我身憂思一日之間緣是恩愛五百世貧今我得佛万福皆臻眾生無量清淨佛道過六十一劫當得作佛号薩婆國名号多化劫名禮禪時人衣服如忉利天各壽一劫無有苦勤尔時母人天龍夜

又聞佛說法皆大歡欣禮佛而去

佛說老母女六英經

佛說菩薩逝經

西晉沙門 白法祖 譯

佛在雞山中與諸比丘五百人皆阿羅漢平旦皆着衣持鉢入城各行求食時城中有一豪富者國中第一所居高燥舍宅樓觀甚好垣墻周匝七重門字檀尼迦柰檀尼迦柰有子字逝年十六檀尼迦柰物故逝獨與母居

佛到檀尼迦柰家求食時逝在內第三門中住遙見佛來歡喜逝即心念言是人何以端正無比好乃余好如明月珠光明如日月其色如黃金好如月十五日盛滿時佛到住於門外逝便走入語其母言我見一人來大端正好天下無有輩我生以來未嘗見人如是

毀

五姓

十一

字

今在門外住欲求食逝語其母言我當與之其母大慳貪不肯與逝語其母言夫天下人慳貪無益於身是非恒人當與之母復不應逝復語母言是人過度天下之師也與是人者如病者得善醫逝語母言當用我故與之是人名聞於天下今續在門外住其母復不肯與逝數語母母大瞋恚語逝言汝媿我不止者令我煩亂是人不用食故來但欲調若耳若小兒當何等知若所索不止會得我捶杖乃止佛預知母慳貪佛放威神徹照七重門內逝見佛光明心即開解逝即復到母所語其母言愚人不知布施譬如盲人墮火中其人但坐盲無目故耳世間人但坐慳貪心念惡口言惡身行惡愚人信於佛不信於經死後皆入地獄畜生鬼神中人不慳貪身行善口言善心念善續自得其福人有智者當供養飯食佛人常當與智者相隨令人有知逝語母言不肯與者自持我今日飯分來